

Аллагънал ﷺ хъун бувсса барз

Дагъусттаннал муфтий АхИмад-хИажи Абдулаевлул барча бувунни мусульман мубараксса Раджаб зурушчал

Ххирасса уссурвал ва ссурвал! Барча буллай ура зу циняв жула ялун бувксса Раджаб зурушчал.

Ва хъанакъыссар хIурмат лавайсса шанма зурувасса ца – Раджаб, Шяъбан, Рамазан. Вай зурдардиву Аллагъу Таъланал Цала лагъартуннайн ляличисса цими ликкан бувайссар. Ялагу, Раджаб багълагъысса Къуръанналуву кIицI лавгсса, дяъвирдаву ва къалмакъаллаву гьуртту хъун къадагъа дирхъусса зурдардивун.

Анас-асхIаблул ﷺ бувсун бур, Раджаб барз бувкIукун, МухIаммад Идавсил ﷺ укунсса дуъ дувайсса диркIшиву: «Я Аллагъ, Раджаб зуруй жуи барачат биша, жу Шяъбан ва Рамазан зурдардийнгу бияннингу бити» (АхИмад, ПIабарани)



Аль-Бухари ва Муслим имамтурал лутгирдаву бур укунсса хIадис: «Шинаву буссар 12 барз, миннувацца мукъва зуруву дяъви буван къабучиссар, миннувагу шанма куннил хъирив кунай буссар: зуль-Къаада,

зуль-ХИижжа, МухIаррам ва ялагу барачатсса Раджаб».

Ванийн «Аллагънал ﷺ барз» учайссар, цанчирча, ваниву буссар гъарзасса чирирду ва неъмагъу. Муниятту, хIурмат бусса уссурвал ва ссурвал, хIарачат бувара хъинбаларду баврил ххул-

лий, Аллагънайн ﷺ эбадат чIяру дуллай, тавбалый гъан бувара ва мубараксса барз.

Аллагънахъ ﷺ чIа тIий ура жунма тавфикъ, гуж, цIуллушиву дулуннав камилсса куцIуй тIаагъ-эбадат дуллай, Раджаб зуруй ва цаймигу зурдардий хъинсса аьмаллу чIявусса булансса. Ялагу чIа тIий ура, ва барз хъуннав сававну щала мусульманнал уммат цачIун шаврил, дяъвирду, зулмурду къабагъаврил, циняв мусульманнал цIусса оьрму байбишаврил.

Аллагънал ﷺ зун ва зул кулпатиртган паракъатшиву, хъиншиву, барачатшиву дулуннав, хъинбалардахсса чире чIяву буваннав, дунияллул ва ахиратрал балардаща буруччиннав!

ДАГЪУСТТАННАЛ МУФТИЙ АХИМАД-ХИАЖИ АБДУЛАЕВ

ИНТЕРВЬЮ

Динналул агъамшиву бувчIин аьркинссар!

ЦIуссалакрал район цIуминалийн дизан дуллай, тиккусса оьрму, багъу-бизучIявуминнал уттигу щаллу бувну бакъар. Тиккусса шяраваллу, жямат ца бухъурчагу, мина кIира хъуну дур – бачIи Новостройрайн бивзун, вайми уттигу духмур районналийва ливчIун. Шиккун бивзминналгу шаймур буллай, цала хъускъини, маэшат, жяматийсса ишру щаллу буллай бур.

Гъарца шяравусса жяматрал ялувсса динналул тIалавшиннарду хъанай дур шяраву мизит бикIаву, азан буккаву, нюжмар чак ва цаймигу чакру жяматрай баву.

ЛАЖ. 3

ШАРИАЪТ

Суннатсса чакру

ТасбихIрал чаклил баян

ТасбихIрал чак – мукъра ракааьтрайсса чакри. Мунил савав дакъассар, чIун дакъассар, та барчагу байссар. Дяхта буллай ухъурча мукърагу ракааьт цачIу данссар хъхъувай буллай ухъурча кIи-кIира личIийну данссар. Му байсса куцIу: «на нийят дурунни тасбихIрал суннатсса чаклил кIира ракааьт дан (ягу мукъра ракааьт дан) Аллагъу акбар» – куну бахIинссар. Яла альхIам буккинссар, яла ци бунугу ца сура буккинссар, яла къус икIаннин ацIния ххюйлва «субхIаналлагъи вальхIамдуллилагъи ва ла илагъа илла-ллагъу валлагъу акбар» -учинссар. Яла рукуьрайн къус ивкIукунгу ацIилва учинссар мува махъ, яла лавай гъаз хъуну эътилдану учинссар мува махъ ацIийлва, яла суждалийгу учинссар ацIийлва. Яла кIивагу суждалул дянивгу учинссар ацIийлва, ялагу суждалу учинссар ацIийлва. Суждалия гъаз хъуну лавай изаннингу учинссар щяивкIун ацIийлва, яла лавай ивзун альхIам буккинссар, му ракааьтрайгу учинссар кIукунма. Ца ракааьтрай арулцIаллий ххюва шайссар.

ЛАЖ. 3

МУСУЛЬМАННАЛ КАЛЕНДАРЬ

Шяъбан барз

Шяъбан барз хъинну ххирасса, даража хъунмасса барзри. Муниву ца къини зума дургъуну цума ухъурчагу, мунал чурх дуржагърал цIаран хIарам байссар. Алжаннаву Юсуп идавсил ﷺ гъалмахчунугу икIайссар. Аюб идавсин ﷺ ва Давуд идавсинуксса ﷺ чиригу булайссар. Гъаттал цIаншивугу яла гъан дайссар. Мункар-Накирнал цIахханна-раятугу ххассал шайссар. Къиямасса Къини мунал аьвратту чIалан къадикIайссар. Му зурул, хъхъичIра-хъхъичIсса цIузурул хъхъуну ацIния кIира ракааьт суннат-чаклил дарча, альхIам бувкуну махъ гъарца ракааьграву ххю-ххюва къулгъугу буклай, ацIния кIиазара шагъиднануксса чире буссар, ацIния кIира шинай эбадат дурссаксса чиригу чичайссар, ниттил лякълул увсса къини куну бунагърая марцI шайссар. Мунияттихунмай мийцIалва гъантлий мунал хатIагу къачичайссар.

ЛАЖ. 7



Къуръан буккавил ххирашиврул хIакъиравусса хIадисру



ЛАЖ. 4

Анисат АбдуллатIиповащалсса ихтилат



ЛАЖ. 5

Усру лаххаврия



ЛАЖ. 6

ДУНИЯЛЛУЛ ГЪУНТТУЛУ

ХІаж-2017

Гъашину шала дуняллия хІажлив бучІантІий бур дукІуняр 40% ххисса мусульман. 2016-ку шинал хІаж бувну бур 1,9 млн. инсантурал, 2017-ку шинал миннал аьдад 2,6 млн. диянтІиссар тІар. Мукун ххи шаврил сававгу – Маккаливсса мизит Масжидуль-хІарам гьарта-гьарза баврил давуртту кьуртал шаву дусса дур.

Мусил Кьуръан

Киргизнал хьуншагърулий Бишкеклив тІиртІуну дур «Абдлийсса хьиншивурттал выставка». Шиккусса яла агъаммур экспонатту хъанай бур мусил яла лаваймур пробаля (999) бувсса Кьуръанналул лу. Уқунсса лу дуняллий цамур бакъасса бур, цушагу яла хъхичІавасса, Оьсман-асхІабнал ﷺ заманнайсса Кьуръанналул копияри тІар.

ХІажаб лаххан бивтунни

Декабрьданул 27-нний Мордовиянавусса Белозерье тІисса шяравусса дянивмур даражалул школалий зузисса 13 хъмитайпаллий аьча дирхьуну диркІун дур, даврийн бакрай карщи дархІуну букІлай бунутІий. Ми хъаннил му иш судрайн буллуну бур. Мордовиянал судрал хІукму бувну, школардай хъаннил бакрай карщи дугаврий дирхьуну дикІсса кьадагъа дукъан дурну дур.

Мизит ччувчунни

Грециянал хІукуматрайсса Дидимотихо шагърулий царая хъунмасса зарал хьуну бур «Баязет» тІисса мизитран. Цу лещан дуван 50-ла пожарный бучІан бан багъну бур. Яла гужмур зарал хьуну бур тІаннуя дурсса магъун. Пожарныйтурал тІимунин бувну, ва кьастирай дурсса тІул дакъар тІар.

Имамтурансса курсу

Дагъусттаннал гуманитарый институтураву зузи бувунни шагърудал ва шяраваллал имамтурал квалификация ларай дувайсса курсу. Ми бачин бувну бур жула республикалул Муфтиятрал биялаллийну. Курсу тІитІлатІисса кьини имамтурал хъхичІ махъ лавхьунни Муфтийнал хьиривчу АхІмад КьахІаевлул. Ванал дакІнийн бувтунни гьарцагу инсаннан, хаснува динналул даврий зузиминнан, мудангу цала ялув бавцІуну бикІан кІушивурттал даража лавай буллан аьркиншиву.

Кьуръан буккаврил дарсру

МахІачкьалаливсса Хьун мизитраву дачин дурну дур Кьуръан буккаврил дарсру. Дарсру най дур гьарца кьини ссят кІюрххил 9-нния ахттакьуннай ссят 4 хьуннин. Арамтуран выходной нюзмар кьини, хъаннин – нюзмар ва алхІат кьини. Дарсру украссар. Цууххаву дуван хьунтІиссар вай номердайн овькуну: 8964-007-74-22 и 8964-006-37-65.

«Ислам ва экология»

Цуссалакрал районналийсса Муфтиятрал дявватрал отделданул бакІчи Юнусов Шуаьб хьуна авкьунни Цуссалакрал, Цуссаккулал ва Чапаеволул школардайсса дуклаки оьрчІашал. Шикку ванал бувсунни Исламрал динналуву экологиялул чулиннай дуллаллисса кьулагъасрая. Хьунабакъавриву гьуртту хьунни му отделданул зузала, Цуссалакрал имам ХІасан МухІаммадову.

ККУЛЛАЛ РАЙОННАЛИЙ

«Ас-салам» Ккуллал районналий



Март зурул 19-нний Дагъусттаннал Муфтиятрал зузала МухІаммадрасул Магадовлул биялаллийну, Ккуллал шяраву дурунни Ас-салам кказитрал подписка.

Лаккуйсса цала динналул уссурваран кумагран бувкІун бия МахІачкьалалиясса Ас-саламрал вакилтал, Цуссалакрал райондалул шяраваллал имамтал ва

мадрасалул мутааьлимтал.

Подписка дуван бувкІминнал зиярат бувунни Гьумуксса АхІмадул-Яманинал гьаттайн.

Хьунмасса барчаллагъ баян буллай буру Ккуллал районналул имам МухІаммадвакил Дадаевлул ва Аллагънал ﷻ ххулий даву дуван кумаг бувминнан, хаснува зунттавул гьан цала машина буллусса, 1-мур ЦувкІратусса Аьдуллаев АьбурахІманнун.

МАХІАЧКЪАЛАЛИВ

Имам – чемпион

Исламраву хьуннасса кьулагъас дурну дур инсаннал чурххал цулулу-сагъшиву дуруччаврих ва спортах. ХІадисраву увкуну бур: «Гуж бусса мусульманчув Аллагънал ﷻ хъхичІ хьинссар ва ххирассар заэвманая, амма миннаву кІиннавурагу хьиншиву дуссар» (Муслим).

Утигъанну МахІачкьалалив хьунни шагърулул администрациялул биялаллийну дурсса троеборьелул турнир. Шикку дия шанна кІушиврул категория: 75-ра килорайн дияннин, 90-ла килорайн дияннин ва 90-нния лараймур. Турнирданий гьуртту хьуминнавух ия Гъази-Гьумучиял имам Бариев МухІаммад-маннар. 90-лла килорал кІушиврул категориялуву ванал цалчиммур кІану бувгъунни. Му бакъассагу, 75-ра килорал кІушиврул категориялуву



Суратрай: кьях – А. Кьурбанов, урчІах – М. Бариев

кІилчинмур кІану бувгъунни Буршиял шяраватусса Кьурбанов Артурдул. Ча тІий буру жула спортсментуран утигъан тинмайгу так хъхичІунмайсса кІантту бугъаву.

МАХІАЧКЪАЛАЛИВ

Малайзиянавасса хъамал

Мартрал 14-нний Дагъусттаннайн бувкІунни Малайзиянавасса динналул аьлимтал: Селангордал исламрал университетрал про-ректор Муьмин Бин Басрий ва отделданул хьунама ХІусний Бин Аьдуллагъ.

ХъхичІва-хъхичІ Малайзиянал аьлимтал хьуна бавкьунни Дагъусттаннал Муфтий шайх АхІмад-хІажі Аьдулаевлул. Шикку ххал бивхьунни динналул элму машгъур даврил масаларгту. Мунир махъ хъамал хьуна бавкьунни «Ас-салам» кказитрал корреспондентнащал ва мукунма Дагъусттаннал Исламрал университетрал, Гуманитарный институтрал, Гуманитарно-педагогический колледжрал ва Сайфуллагъ-кьади Башларовлул цанийсса медициналул колледжрал муаьлимтуращал ва студентгьуращал.



чекский колледжрал ва Сайфуллагъ-кьади Башларовлул цанийсса медициналул колледжрал муаьлимтуращал ва студентгьуращал.

ЛАКРАЛ РАЙОННАЛИЙ

Чарадиял имам Лаккуй

Утигъанну Чарадиял районналул имам АхІмад Аьбурашидов увкІунни Лакрал районналийн, шиккусса имамнал ХІажимурадов Шихмурадлул оьвчаврийн бувну.

Гьумук А. Аьбурашидов хьуна авкьунни имамтуращал ва хІукуматрал идарарттал зузалтращал.

КІивагу районнал имамтал хьуна бавкьунни Гъази-Гьумучиял дянивмур даражалул школалул дуклаки оьрчІашал. Вайннал бувсунни МухІаммад Идавсил ﷻ аьмал-табаьтрая. Хъамаличунал бувсунни динналул ва элмулул дянивсса дахІаврия, чІаравминнай рахІму-цІими баврия ва хьуниминнаха хІурмат баврия.

Мунир махъ динна-

лул аьлимтал хьуна бавкьунни Лакрал районналул азарханалул зузалтращал. Шикку Чарадиял имамнал бувкьунни духтурнал ва кьашайшалал адабиртгъясса вяъза, бувсунни цуцІаву дирсса инсаннан кумаг баврия Аллагънал ﷻ хъхичІ цукун хьунмасса чирі буссарив.

Му бакъассагу, А. Аьбурашидовлул Гьумуксса АхІмадул Яманинал зияратрай Кьулгьу-кьурьангу бувкьуну, дуаь дурунни.



Учредитель
Благотворительный фонд «Путь».
Газета печатается по согласованию и одобрению Муфтията Республики Дагестан

Редакционный совет

Председатель редакционного совета муфтий РД
Ахмад хаджи АБДУЛАЕВ
заместитель муфтия РД
Махди хаджи МУТАИЛОВ
помощник муфтия РД
Мухаммадрасул Магадов

Главный редактор
Азиз МИЧИГИШЕВ

Редактор
Иса ОМАРОВ

Канонический редактор
Мухаммад САЛАМОВ

Менеджер
Абдусабир АХМЕДОВ

Дизайн, вёрстка
Мухаммад МУХИДДИНОВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г. При перепечатке ссылка обязательна. Набрано и сверстано на компьютерной базе газеты «Ассалам».

Отпечатано в ООО «Дом печати» по адресу: пр-т Акушинского, 20

Заказ № _____
Тираж 2 800 экз.

Сдано в печать:
(график) 31 марта 2017 г. в 16:00
(факт) 31 марта 2017 г. в 16:00

Индекс 51388

Адрес редакции:

367010, РД, г. Махачкала,
ул. Ярагского, 128.

Телефон редакции: 8-928-530-59-70.

По вопросам подписки и доставки обращаться по телефону: 914-222, 8-988-291-42-22.

E-mail: assamlak@mail.ru, assalamweb@gmail.com
www.assalam.ru

Динналул агъамшиву бувчин аьркинссар!

1 « Му бакъассагу, жяматрал буржри шяраву шариаьтрал хIукмурду кIулсса, магъар бишин, бивкIу буччин ва м.д. ишру щаллу буван шайсса инсан икIава, акъахурча, щалва жямат бунагъравун багълагъиссар куну бур динналул луттирдаву.

Мукун бухъувкун, Новостройрайгу, цIусса шяраваллу хъусса кIантгай, инсантал бур хIарачат буллай мизитругу, жижара бувайсса кIантту – тазиятругу буван, цала хIатталлу лази-лакьи дуван. Шикку сайки гъарца шяраву ур имам, ва мукунма мизитругу бувну бур, так кIира шяравалу личIаннин – Гъамияци ва Чапаево. Амма вай шархъавугу, азан бакъа, нюжмар чак къабуллай къаличIаншиврул, мизит буван личи дурсса аьрщарай бивхъуну бур вагонну. Вайннуву бивчуну бартбисурттугу, буллай бур мизитраву баймур.

Уттигъанну жул ихтилат хъуна Чапаево шяраву имамшиву дуллалисса Буниямин-хIажи МухIаммадовлушал.

– Буниямин-хIажи, цIана зул шяраву динналул тагъар цукун дур?

– АльхIамдулиллагъ, Аллагънайн ﷻ щукру, цIана чIалай бур халкъуннан динналул агъамшиву, къимат кIул хъанай бушиву, жагъилми бикIу, хъуни-ми бикIу, чак буллан ччай, дин лахълай бур. ЖучIа цIана хъунмасса жямат батIинсса сантту дакъар, мизит бувайхту мивунгу букIанссар, иншааЛлагъ.

– Имамнал давриву захIматшивуртту цукунсса хъуна дакъай?

– ЗахIматшиву дур учин къахъунсар, цанчирча, щала жямат ттун кIулсса бур. Администрациялул, школалул ва цаймигу идарарттал хъунимийгу динналул чулинмай тIивтIусса инсантал бур, мунийнгу Аллагънайн ﷻ щукру буллай ура.

– Жагъилтуращал, дуклаки оьрчIащал цукунсса даву дачин дурну дуссар?

– Районналул циняв школардай имамтурал буккайссар лекциярду, дулайссар суаллахъун жавабру. Жул шяравусса школалул директор АхIмадов Камил Аьлиевич ур тIайласса ххуллу цумурдив бувчIлачIисса инсан, жу дуллалисса гъарца мероприятирдаву му чIарав ацIай, гъурттушинна дувай. Уттигъанну Камил Аьлиевичлул ва «Виртгал» тIисса спортклубрал биялайну школалий тIивтIунни ккурта-чатIаракI ритан лахъхъин бувайсса

секция, жагъилсса оьрчIан жула буттахъал дуллай бивкIсса спортрал жура кIулну дикIаншиврул.

– Мизит буллансса къаст дакъарив жяматраву?

– Жул шяраваллил жяматрал батIава дурну, гъашину мизит буллай байбишинсса ният кIицI ларгун, икьрал дурну дуссар. Уттигъанну хъинну ххаллилсса тяъзият бувайсса къатта тIивтIунни, мунил шяраваллил жяматран хъуннасса бигъашиву дуллай дур. Аллагънал ﷻ кабакъирча, мизитгу щаллу буванну.

Духмур шяраву тIурча, 6-7 шинал хъхъичI бувссар мизит. Мугу шайманал арцуйну, стройматериалайну, канийну, ххуйсса маслихIатрайну кумаг буллай къуртал бувссия.

– Шяраву бивкIсса аьлимтурая, валийтурая ци бусан хъунссар?

– Ва шяравалу дур 6-7 шар Лаккуя дизан дурну сакин дурсса. Жунма кIулсса куццуй, гъарца лакрал шяраву, хIатта гъарца тухумраву бивкIун бур динналул ххуллу бувгъусса, адав-

– Жула миллатраву динналул сий, къимат гъаз буваншиврул ци буван аьркинссар?

– Тгухъ цIуххирча, цалчин дин лахълан аьркинни. Му лахъланшиврул муния бусланмий бикIан аьркинни, бусланми бикIаншиврул мадрасарттавун, исламрал университетирттавун дуклан оьрчIру гъан буллан аьркинни. Жула динналийн бувну, гъарца шяраву чара бакъа аьркинсса элмурду кIулсса инсан икIан аьркинссар. Масала, духтур, учитель, инженер ва м.д. Мува куццуй, динналул хIукмурду кIулсса инсангу икIан аьркинссар. ЦIанасса чIумал шяравату кIия-шама оьрчI гъан буварчагума, муния хъунмасса хайр хъунтIиссар. Дуккин ччисса инсаннугу архсса билятрайн ачин аьркиншиву дакъар, жула республикалий бур щаллуну Исламрал элмурду лахъхъин дувайсса университетру. Цалчин нитти-буттан бувчин аьркинни динналул агъамшиву, тIитIин дуван цала дакIру. Му бакъассагу, даврия ягу дарсирдая махъ дин кIул дуван ччиманащагу хъанай бур мизитирттаву имамтурачIан занай, гъарца мусульман-



МухIаммадов Буниямин-хIажи МухIаммадлул арс, увну ур ЦIуссалакрал районналийсса Чапаево шяраву. Школа бувккуну махъ армиягу лавхъун зий ивкIун ур низам дуруччаврил органнаву. Мунияр махъ зий ивкIун ур ЦIуссалакрал районналий «Ас-салам» кказитрал вакилну. 2016-ку шиная шинай зий ур Новостройрайсса Чапаево шяраваллил имамну. Динналул кIулшивуртту лархъхъуну дур Новостройрайсса ЦIуссалакрал шяравусса мизитрал мадрасалуву.

дихълан. Му бакъассагу, ятинтуран ва миски-гъаривнан кумаг буллан сакин бувсса, «Инсан» тIисса фондаращал цачIуну ванияр тихуннайгу даву дачин дувансса пикри бур.

– Шяраву «Ас-салам» кказит чичаву ва биян баву най дуссарив?

– Инсантал бикIай дин лахъхъин ччай буру, амма чIун хъанай дакъар, ягу цайми дахшишру хъхъичIун дагълай дур тIий. ХъхъичIа-хъхъичI мукунсса инсантурансса чаран хъанай бур «Ас-салам» кказит. Муних кказитрах куна уруган къааьркинссарча, вила къапудухун цурда дуркIсса динналул кунари уруган аьркинсса. Му кказитрая зарал бакъассар, так хайрди бусса. Цумур чулуха буругарчагу, му кказит къачичинсса багъана бакъар. Дин кIул даву бакъасса, му кказит буккайманал лакку мазгу тикрал буллай, итхяххан буллай бур. Му кказитрай зузисса чIумал тушагу хъунмасса мюнпат ласун бовхъунни. Мунияту, на учин ччай ура жула инсантурахъ: Ислам лахълахъияра, мунийн бувну оьрму буттияра, муниву зун барачатшиву лякъинтIиссар. Аллагънал ﷻ кумаг буваннав!

ИХТИЛАТ БУВССАР

ИСА ОЪМАРОВЛУЛ



Чапаеволийса мизит-вагон

инсаншиву дусса, къянкъасса буттал буттахъул. Совет хIукуматрал чIумал миннал цIарду, оьрмулул тарих хъама бивтун бур. ЦIана жува буру минная пахрулий. Мува куццуй жула оьрчIал оьрчIругу жуятува пахрулий бикIаншиврул, гай буттахъал буллай бивкIмунил бачивагу буллай, гайннаха лавхъхъуну бикIан хIарачат буллан аьркинни.

чувнан чара бакъа кIулну дикIан аьркинсса элму лахъхъин.

– Буниямин-хIажи, вания тихуннай имамнал даву цукун дачин дувансса пикри бур?

– ЦIана жул цалчинсса ният дур дуклаки оьрчIру мизитравун занай бувану, вайннахъ динналул гъанурдал, чак баврил, Къуръан буккаврил дарсру

ШАРИАЪТ

Суннатсса чакру

1 « Мукърагу ракааьтрай шантуршва шайссар. Миннул гъарцаннил хъирив «ла хIавла ва ла къуввата илла биллагъил аьлийил аьзим» учавугу хъиннува хъинссар. Му чак баврил чиригу хъинну хъунмассар. Гъарца бунагъиртал бувмунилгу, бантIиймунилгу, чIивимунилгу, хъунмунилгу, загъирмунилгу, къюлтIмунилгу, къастирай бувмунилгу, хатIалий бувмунилгу – гъарцаннул аьфву байссар. Му мукун буван Идавсил ﷻ Аьббаслул ﷺ лахъхъин бувну, булува куну васият бувссар. ХIатта, гъарца къини цал бавансар. Мукун къахъурча нюжмардий цал баванссар. Мукунгу къахъурча зуруй цал баванссар. Мукунгу къахъурча шинай цал баванссар. Мукунгу къахъурча оьрмулий цалвагу къабувнувагу къабитанссар.

Аввабинтурал чак

МаркIачIан чаклил хъиривсса ратибат чак бувану махъ, хъатIан чак буваннин байсса чак буссар, аввабин-чак тIисса. Цуппагу даянив цамур ихтилат къабувну баву хъинссар. Мунил яла чанмур кIира ракааьтри, амма мукъра ягу ряхра даву хъиннува хъинссар. КIира дурнан алжаннаву кIива чIалгъаь байссар арцу мусийл. Мукъра дурнал мукъцIалла шинайсса бунагъирттал аьла байссар, ряхра дарча – шинай дурсса эбадатращал аьрхIал бацIайссар. Мунил му къини бувсса оьсса ишру яла гъан байссар, ахиргу марцI дайссар. Му хъинну ххирасса чакри. Даин ялув авцIуну буллалаву хъинссар. АльхIам бувккуну махъ ххю-ххюва "Къулгъу" (сура "Ал-Ихлас") буккавугу хъинссар.

(«НАСИХИАТУЛЬ-АЪВАМ»)



Къулгъу-Къуръан бувккун дувайсса дуаьрду

Хурмат бусса уссурвал ва ссурвал, Бархъаллал шяраватусса буккултрал тлалашиннарайн бувну, ришлай буру бивкӀулий Къулгъу-Къуръан бувккуну махъ дувайсса кӀира дуаь: ца кутласса журалийсса, вавур лахъину дуван бучӀисса.

1. АльхӀамду-лиллагъи раббил-аьламин. Аллагъумма салли аьла МухӀаммадин ва аьла али МухӀаммадин ва саллим.

Я, Хъунасса Аллагъ, кашилул заллуй, халкъ ляхъан бувма, цӀими бишайма. Ина ва кӀанай бувккуну Къулгъу-Къуръан, бивхъусса зикри, дурсса дуаь, цуксса гьалатӀну, гьапулну, тажвид дакъа хъуну духъурчагу, инара щаллу дурну, тӀайла дацӀан дурну, къамул дува. Къамул даврищал муни хӀасул хъусса чире жуятусса ссаламну, ссайгъатну, хъхъичӀ МухӀаммад Идавсил ﷺ рухӀирайн биан бува, Мунал нитти-буттал, кулпатрал, оьрчӀал, мукъагу асхӀабтурал рухӀирайн биан бува, я Аллагъ.

Адам Идавсия ﷺ ва ХӀавая байбивхъуну МухӀаммад Идавсийн ﷺ бианнин, миннал дянив ляхъуну, ливтӀусса 124 азарагу идавстурал рухӀирайн биан бува, Аллагъ. Хъирив цинявпагу валийтурал, гъазийтурал, шайхтурал, анбиятурал, муьминтурал, муьминаттурал, муслимтурал, муслиматтурал, валитурал рухӀирдайн биан бува я Аллагъ. Миннал хурмат-шафаьтрахну ва хӀакъину дуняллия лавгсса пуланнал рухӀирайн биан бува. Мунал ливтӀусса агъулданул арулла никирая арулцӀалла никирайн бианнин биан бува, Аллагъ.

Дяввийий, дуснакьрай, аьрххийий, ххулий ливтӀунал рухӀирдайн биан бува, я Аллагъ!

Чув ливтӀуну, чув бувчусса бучурчагу, цинявпагу лаграл, Дагъ-усттаннал Машрикьрая Магъриблийн бианнин, къиблалийн лажинну бивхъусса муьминтурал, муьминаттурал рухӀирайн биан бува, Аллагъ.

Я, Аллагъ, Ина миннал рухӀи къуманий духъурча, гьартаний диша, цӀаннай духъурча чаннай дуккан дува, аьзаврай духъурча ххассал дува.

Ина минналгу, жулгу рухӀу гьаттал аьзабиряту, дужагьрал цӀаряту дуруча, Аллагъ!

Я, Хъунасса Аллагъ, Ина жун дунялгу ахиратту тӀитӀин дува. Дунял неьматрай, ахират диндалий гьан дуванмур бува. Ина жул оьрчӀал-душварал бувайсса ташулуву, машлуву дайшишру мадара. Ина миннал хӀакъсса, тӀайласса исламрал ххулийх бачинсса тавпикъ дула. Цуксса хъунисса бунагьирттал гьивурду жул къинт-туллух духъурчагу, Ина ми бунагьирттал ялтту увчӀун, Та къиямасса къини жулгу МухӀаммад Идавсил ﷺ умматравух биша. Жунгу миннал кунмамур бувкӀисса чӀумал, жулгу рухӀи бигъаний, ссикӀ кутӀану, шану къавкъун, къакъари гьартану шанма гьантлийсса бува, Аллагъ.

Махъва-махъсса ссихӀирачӀагу, «Ашгъаду Алла-илагъа иллаллагу ва ашгъаду анна МухӀаммадан расулудлаги» учинсса къуват бува, Аллагъ.

Я, Хъунасса Аллагъ, Ина жул кӀулсса, къакӀулсса, аьлтгусса, къюлтгусса балардая, хатӀардая, апатирттая, мусибатирттая буручча. Мурчая, цӀарая, щиная, аьрщи сукку шаврия буручча.

Оьсса чувнал мукъуша, загълуннал зулмулуша, судрая-диванналия буручча. Дявьи къахъуннав, дакъаву хъуннав!

ПаччахӀтурал дянив ислахӀшиву дагъаннав, къанатшиву духлаганнав, дин-ислам цӀулаганнав!

Жу жула ливтӀуми буччайсса кунма, миннал рухӀирдайн бианнав учайсса кунма, жува буччинми, жухва Къулгъу-Къуръан буванми, жулва бунагьирттал аьпа баннав учинми чан къабаннав.

Бунагьирттал аьпа баннав, аьпа баннав учинми бухлавгсса муьминтурал, муьминаттурал, учинми буна дакӀнийн къабагълагъисса муьминтурал, муьминаттурал.

Я Аллагъ, цума-цагу цала маешатрал хъирив лавгми, армиярттайн лавгми, дуснакьирттай буми цала нитти-буттал, кулпатрал, оьрчӀал ялун, цала къушлийн дакӀ ххарину зана бикӀаннав. Ссавнил цӀими къакъу-къиннав, лухччинул барачат къаласуннав. Хъу дюхъаннав, тта бюхъаннав, гьаттара гьарза буваннав.

Я, Хъунасса Аллагъ, ва пуланнал бакъасса оьрму ванал кулпатран, оьрчӀан, ичӀувассаннав, гьанчунан бува. Ва бивкӀу хъун буван бавтӀисса цинявналвагу ливтӀуцириннал рухӀирдайн бианнав. Ванал рухӀу Алжаннул ххари дуваннав. Уттиния тинмайсса вайннал къатлувунсса бухху-букку ххаришиврийнсса хъуннав.

АльхӀамдулиллагъи раббил-аьламин. Аллагъумма салли аьла МухӀаммадин ва аьла али МухӀаммадин ва саллим. БихӀурмати сирри суратил-ФатихӀа, куну, буккайссар АлхӀам.

2. АльхӀамдулиллагъи раббил-аьламин. Аллагъумма салли аьла МухӀаммадин ва аьла али МухӀаммадин ва саллим.

Я Рабби, я ххирасса Аллагъ, вай жу бувккуну Къуръандалул сурарду, аятру, Къулгъу-Къуръан, дурсса дуартту хъунмасса Вила цӀимиллийну, жуша ливчусса гьалатӀругу тӀайла дацӀан дурну къамул дува. ХъхъичӀва-хъхъичӀ вайнну хӀасул хъусса чире МухӀаммад Идавсил ﷺ рухӀирайн биан бува, муная байбивхъуну Адам идавсин ﷺ бианнин, миннал дянивсса циняв идавстурал бува, хъирив мунал асхӀабтурал, хаснува Абубакр, Оьмар, Хусман, Аьли-найн биан бува. Хъиривгу циняв шайхтурал, валитурал рухӀирдайн биан бува. Миннал шафаьтращал, барачатращал ва аьпа бусса пуланнал, ванал буттайхсса ва нитгийхсса циняв аьпалухун лавгминнал рухӀирдайн биан бува. Ялагу шиккун бавтӀисса инсантурал циняв ливтӀусса гьан-маччаминнал рухӀирдайн бува, цинявпагу динналул уссурваврал, ссурваврал рухӀирдайнгу бува. Я, ххирасса Аллагъ, Ина жуй цӀими биша, ахир хайрданийсса, иманналийсса дула, барачат биша жуйгу, жул жяматирттайгу, щалагу дуняллийсса мусульманнайгу. Ахиргу хайр, ахиргу иман, леххавугу, таваккалгу так ца вийни, ххирасса Аллагъ.

АльхӀамдулиллагъи раббил-аьламин. Аллагъумма салли аьла МухӀаммадин ва аьла али МухӀаммадин ва саллим. БихӀурмати сирри суратил-ФатихӀа, куну, буккайссар АлхӀам.

ДИННАЛУЛ ЖАВГЪАР

Къуръан буквавил ххирашиврул хӀакъиравусса хӀадисру

1. Зувату яла хъинма – Къуръан цанмагу лавхъуну цайминнангу лавхъин буваймари. (аль-Бухари, Муслим).

2. Къуръаналува ца хӀарп дуркуманан ца чире чичайссар, яла му чире ацӀлийну гъаз бувайссар. (Ат-Тирмизи).

3. Инсантал цачӀун бавтӀун, Къуръан бувккуну, куннал куннал лахъхъингу буварча, миннайн паракъатшиву ва Аллагънал ﷺ рахӀматирттал булугъшиву, неьматру ликкантиссар, малаиктал миннал лагма бацӀантиссар, Аллагънал ﷺ ЦачӀанма гьансса лагъартуннал дянив (идавстурал ва малаиктурал) ми инсантурая цӀа дувантиссар (Муслим, Абу Давуд).

4. Идавсил ﷺ цӀувххуну бивкӀиссар асхӀабтурахъ: «Ччивав зун Бутан ва Акик тӀисса кӀанттаун лавгун (Мадина шагърулул чӀаравсса кӀантту), му къинилул мутталий цавагу бунагъу къабувну, щийчӀав зулму къабувну, щинчӀав къаччан бикӀан къабувну, мичча зунма кӀива варанигу бувцуну зана бикӀан?» «Я Расулудлагъ, щин къаччиссар, жун ччива мукунсса даву дуван», – куну бур асхӀабтурал. Яла Идавсил ﷺ увкуну бур: «Туну зу мизитравун циван къалагару, Къуръаналувацца-кӀива аятвагу лахъхъин. КӀива аят букваву ххирассар кӀива варианттуяр, шанма аят ххирассар

шанма варианттуяр, ва цими аят лахъхъирчагу, ми ххирассар микссава варианттаяр» (Муслим, Абу Давуд).

5. Къуръаналул ца аятрах вичӀи дирхъуманан чичинтиссар цимийлагу лахъ бувсса чире. Ца аят буккирча, му аят къиямасса къини бикӀантиссар Алжаннавунсса ххуллу чанна лахъан буллалисса чирахъну» (АхӀмад).

6. Къуръан кӀулми бикӀантиссар Аллагънал ﷺ х х и р а м и н н а щ а л, яла бусравми малаиктуращал. ЗахӀматну бу-нува къуръан буккин лахъ-лахъиманан кӀилийнусса ч и р и бикӀантиссар (Аль-Бухари, Муслим, Абу-Давуд, Ат-Тирмизи, Ан-Насаи).

7. Зу Къуръан ккалаккяра, къиямасса къини мунил зуша шафаьт дувантиссар (Муслим).

8. Къуръан булуккяра, хӀакъуну му

хъанахъиссар зун ва дуняллийсса чирахъну ва ссавруннайсса ххазина-ну.

9. Инсан ухъурча къуръан ккалай ва муниву тӀисса куцуй оьрму бутлай, къиямасса къини мунал ниттил ва буттал бакӀрай бишинтиссар бур-гьилнийр чаннасса нур дусса таж (Абу Давуд, ХӀаким).



10. Къуръан буккайсса инсан хъанахъиссар цавунна идавшиву духхан дурма, амма мунай так Аллагънаяту ﷺ вахӀгю къаликкайссар (ХӀаким).

11. Инсантал АллагъначӀан ﷺ гьан бувайсса аьмаллава яла хъинмур – Къуръан букваври (ХӀаким, Абу Давуд).

12. Къуръан буккайми – ляличисса, АллагъначӀан ﷺ гьансса инсанталли (Ан-Насаи, ХӀаким).

13. Ца хъхъуну ацӀва аят буккайманал цӀа къачичинтиссар му хъхъу ургьил бакъа, Аллагъ ﷺ хъама ивтун гьан дурминнавух (ХӀаким).

14. Ца инсан Къуръангу бувккуну, Аллагънал ﷺ цаманайр лавайсса неьмат буллусса ххай ухъурча, мунал къюкьин дурссар Аллагънал ﷺ гъаз дурмур (Табарани).

15. Аллагънал ﷺ увкуссар: Къуръангу бувккуну Тухъ цичӀав чӀа къаувкуну ливчӀманан На дулунна Ттуйнма щукру бувайминнал дулайсса бахшиш (чире) (Ат-Тирмизи).

16. Къуръан буккайма лавхъхъуссар тӀаавнсса къанкъ дусса ва нахӀуса тӀин бусса бигълиха (Аль-Бухари).

17. Аллагънал ﷺ каламрал ва махлукъатрал каламрал авуршиврул даража лавхъхъуссар Цала Аллагънал ﷺ ва махлукъатрал авуршивруха (Къуръаналул къимат муксса лавайссар) (Ат-Тирмизи). Стр 36.

КЪУРАМУХӀАМАД-ХӀАЖИ
РАМАЗАНОВЛУЛ ЛУТТИРАВА

Анисат Абдуллатиповацалсса ихтилат

Анисат Абдуллатипова бур лакрал балайчи ва актриса, ванил 18 шин дурну дур Лакрал театрдану вуй, спектакльлаву гуртту хъанай, балайрду тий. Ларгсса ши-нал суттил ва сценалия лавгун бур, хъатлай ва концертирдай балайрду учавугу къадиртун дур.

Ва интервьюлуву Анисатлул бувсунни цила сцена къадитаврил, ва оьрмулул ххуллу баххана баврил сававну ци хъуссарив. Цана ванил чу баян бюхълай бур хъаннин хас бувсса динналул мажлисирттай, шикку ванил мавлудру, нашидру ккалай бур музыка хлала къабувну. 2016-ку шинал ва гуртту хъуну бур Казаннайсса нашидру буккаврил фестивалданий.

– Анисат, Казаннайсса аьрххи хъуну бур вил цалчинмур сапар динналул нашидру буккаврил ни-ятрайсса. Буси му сапардания.

– Цана нава бутлатисса оьрмулулчан най ттун лахъисса манзил битан багъуна. Хъхъичисса оьрмулуву цалчинмур клану бугълай бивкхъурча маэшатрал, мавлудру-нашидру буккаву ттурча – му хъанай дур рувхланийсса тлалавшинна, ми буккаврил цукунчавсса харжгу ттун уттигу къабуллуссар.

– Татарнал республикалул вил дакнивинун цукунсса асарду биян бувуна?

– Ттун тайннал Тахшагъру – Казань, хъуна бавкъусса инсантал хъинну ххуй бивзунни. Татарстаннавун бакъасса, жу бивру Чувашнал республикалийн ва Ульяновскрайн. Тамансса тлаансса асарду ливчунни дакниву. Аллагънал ххуллийсса сапарданул къимат хъинну лавайсса бушиву члалай бия. На га сапарданийн хъинну хладур хъуссияв. Тикку ттун оьрмулуву цалчин оьрус мазрайсса нашид буккин багълай бия. На мунил пикрирдай буссияв. Ттун ччай бия му гьарцаннал дакнурдивун бюханну буккин. Залданувун бавтмигу ляличисса халкъ бия. Тикку цаппара аьтгиссагума хисав хъуна.

– Балайчинал касмугу къадиртун, динналул ххуллийн бучлансса хлукму ина цукун бувссия?

– Му лахъисса ххуллу бия. Цалчинсса сикъавсусса дахханашивурту хъанан дирклуна мукъра шинал хъхъичи, чак буллай байбивхъукун. Амма ттул оьрму шаллуну баххана хъуна сентябрь зурул 26-нний, на муфтий шайх Ахлмад-хлажиначлан лавгукун. Мунир махъ ттул чурххал ва дакнил хлал цанийн бувклуна. Мунир хъхъичи цамур иш хъуна: ттун макра шайх Саид-афанди ккавккуна, мунал ттун ца ххуллу ккаккан бувну, мунийн бачин бувнаву. Нагу бавчура. Цана бувчлай бур ттун нава бутлатисса оьрму бизар хъуну бивкшиву. Ттул дакнил тлала дуллай дия дахханашивуртту, му бияв цамур на. Яла на байбивхъура лях личлан къабувну чакру буллай. Амма чакгу бувну бакра карши ликлакисса чумал, ттула нава хъаврин буллалисса кунма члалай бия. Ттун гьарзад бувчлай бия, амма на буссияв къабувчлалчисса кунма оьрму бачин бувну най. Му захматсса чун дия. Сценалийн буккаву ттун

тлаанну бакъая, ттуйва нава аьйрду дуллай буссияв. Амма цацана гьарзад къадитан бюхълай бакъая.

– Анисат, инава бувсса хлукмулуву вин мисал ласунма ияв?

– Жула цумур-бунугу балайчи сценалия лавгун бур, Исламрал ххуллу бувгуну бур ттий баллалисса чумал, на му иш ттуйвану хисав бувайссия. Гайннаца хъуну бухурча, ттуцавагу хъунгиссар ттий биклайссияв. Ттухъва нава гайнная царду дуллай биклайссияв. Мукунмасса пикрирду шайва «Ас-салам» кказитрава ягу «Ватан» радиолува Ислам къамул дурсса, ягу тлайласса ххуллийн бавчусса артистурал, балайчитурал оьрмулува хаварду бавукун.

Ялагу, ттун мисалну дия ттула хъун-



на бава. Га хъинну дин дусса, шала Къуръан дакнини клулсса хъамитайпа бия. Жу цанагу ганил Къуръанналулу ябуллай буру. Ганих бурувгукун ттун хъунна бава дакнин дагъай. Ттул мунан хиял биклайссия Аллагънал Лу буккин лахъхъин. Цана на бура му хиял шаллу бавричлан гьанну.

Исламрая ци-бунугу клул бувансса гьиралий на биклайссияв интернетравусса сайтирдавун бухлай. Микку на клул хъура Аьйшат Нурмухаммадовацал. Жу мунийн учару муаьлиматун Аьйшат. Мунил учайсса махъру тлайланма дакнивинун буххай. На мунил вяъза-насихлатру буллалисса циняв видеороликру ххал дурссия, яла «инстаграмраву» мунил чичлачимур ккалан бивкиссияв. Цакъини, ттула оьрмулия бизар хъуну, ци дуллансарив къаклулсса чумал, на Аьйшатлулчан чивчуссия. Ганил жаваб дулунсар ттисса пикривагу бакъая, амма му ттувува битансса гуж биял хъанай бакъая.

– Ина ци чивчуссия?

– На муаьлиматун Аьйшатлухъ цувххусия дуклан буххан чун бучиссар, куну. Ттун хъинну гьира бия динналул клулшивуртту лахлан. Му элмулул хъхъиривун курт хъанахъисаксса, ттун бувчлай бия

му хъиннува куртисса бушиву ва дуклан буххан багълай бушиву. Ттун клул хъуна Исламрал элмурдал нахлушиву. Ганир хъхъичисса оьрмулуву укунсса нахлушиву ссавучлав къаларкъуна. Мий гьарзад лахъхъин къахъунсархха ттисса пикригу ттул дакниву бакъая. Мунир, на чивчуссия Аьйшатлулчан, «ттухъхъун жаваб вацана дула, акъахурча на бивчланссара», – ттий. Амма Аьйшат му чумал Нальчикрай бия. Гичча зана хъувкун хъуна бакъинну, увкунна. Мунир махъ на бувкиссияв Аьйшатлул лекциялийн. Шала лекциялул мутталий на аьттий буссияв. Яла ттул ганишал ихтилат хъуна. Мичча байбивхъуна ттул цусса оьрму. Ттуй хъинну гужсса аякъа дуллай бия, ттухъ члавусса бувсуна. Муаьлиматун Аьйшатлулчан ва цаймигу динналул

къанкъасса хлукму бувну, даврия лаглай бушиврул аьрза чивчуссия.

– Ина даврия циван най буссарав архлал зузминнахъ къабувсуссияв?

– Театрдану вуй ттул 18 шин хъуна. Жу архлал гастроллайн лагайссияв, мунир шала коллектив ттун гьансса кунма ххира хъуну бия. Артисшиву къадитангу бигъасса иш бакъая, циван къадитлай буссарав бусангу хъиннува захматну бия. Мунир, на укунсса пикри бувссия: цал даву къадитанна, яла, чансса чун ларгукун, гайнначлан бувкун, гьарзад бусанна. Театрдану архлал зий бивкми цанагу ттул дусталгури, яла гьанми инсанталгури. На карши дутлай бушиву, даврия лавшиву гьарцаннал клул хъуна, гьанмаччаминнал буллалисса суаллу бухлаглай бакъая. Мунир ттун анавар буккан ччай бакъая. Коллективра ттурча, на миннахъ мякънува бура.

– Вила оьрмулуву мукунсса хлукму баврил ина ссацла-бунугу хъурав?

– Ттул оьрмулуву цичар чан къархъунни, так ххи хъурча дакъа. Исламрал дуллай дур аьркин дакъамунир тархъаншиву. Вила шала чурх янналул клул бувну, бурувчуну бушиву – му хъунмасса талих бур. Цуксса чярусса арцу ляхълай бивкхъурчагу, гайннул ттун яла агъаммур дуллай дакъая – дакнил марцшиву ва иманналул нахлушиву. Миннучлан дучайсса ци дуссар!

– Вил оьрмулувусса дахханашивуртта лас цукун урувгуну?

– Цал ганан ххай бия на хъарч буллалисса, ягу давриву захматшивуртту хъанай дусса. Ганал бакравун бухлай бакъая на мийжаннугу даву къадиртун, къатта-къушлилссагу буллай, Исламрал элму лахълай булукъинссара ттисса. На мийжаннугу цамур ххуллийн бачинтшиву бувчлукун, ганал увкунна: «За бакъар, утти на укканна даврийн». Ганиннин лас пенсиялий уссия. Арналгу ттул чул бувгунна. Утти на чйавуну шаппа бухъукун, ласгу ххарину, тяхъану ур, на мунан чларав бунутий. На так дарсирдайн лагара, Дагъусттаннал Исламрал Университетрал гьанттайнмайсса курсирдайн ягу оьвкунса чумал мавлудиртайн. На мунир рязинугу бура, мийжаннугу, хъамитайпалун яла бавкъумур клану цила шаппалу бивкун бур. Ттун бувчунни нава шала оьрмулул мутталий му талихлара махлурму бивкшиву. Утти на арцу лякъин балай къаучара, так Аллагънал цла хъун дуван бакъа. Му хъунмасса талих бур!

– Инава кунма, баххана хъун ччай, амма хлучи ттий буминнахъ ина ци учинна?

– Жувунна нигь дутлатисса циняв сававру – шйитаннул хиллардури. Цалчинсса ша буванни захматну биклайсса, яла Аллагъу Тааьлал кумаг бувантиссар. Буругияра ттух, на талихлрайн бувккунна! Укунсса талихлрайн буккан бувайсса хлукму махъун мабутларди!

ЛАЙЛА БАХАДОРИ

Усру лаххаврия

Инсаннал гьарца кьини ишла дувайсса задру цери куну цѳуххирча, къянкъану учин бучѳир, шак бакъа ми усру ва янна душиву. Уссал ва янналул жулва шалвагу чурх буручлай бур дякъия, кѳиришивруя, ва цаймигу хъуна дакъин бюхъайсса зарал биян буваймуния ва чил ярунния. Усру дакъа яхъанахъисса инсанвагу акъахъунсар учин бучѳир. Цалчин усру дурма цуригву мѳайжанну кѳулну бакъар.



Усру лаххаву суннатсар. Идавсил ﷺ увкуссар: «Усру хѳадур дулувара, усру лархсса адимина чай буртти ивкѳма кунассар» (Муслим, 2096).

Дунгъузрал бурчу

Жучѳавасса тгучаннаву, базаллаву дахлахисса усру чѳявучин дунгъузрал бурчу ишла бувну дурса хъуна дакълай дур, мунияту, мусульманнал мудан усру ласайсса чѳумал гѳай марѳссарив, чапалссарив куну цѳухлан, кѳул буллан багъ-

лай бур. Дунгъузрая ягу ккаччил бурчуя дурса усру лахлан къабучѳиссар, гѳай лархсса чѳумал нажасрал чапал шаврия нигъ дунутѳий. Жунма кѳулсса куцѳуй, дунгъуз ва ккаччи нажасъсса жанаварт хъанахъиссар. Цирда усру дунгъузрал бурчуя дурса дакъахъурчагу, чѳявучин гѳайннул вихдихъу дикѳай дунгъузрая дурса. Мунин бувну, га вихдихъу ччаннайн шилашисса духъувкун, ччан нажасърал чапал къавхъуну личѳан къабюхъайссар. Дунгъузрал ягу ккаччил нажаслиххан дуваншиврул, га шусса кѳану арийлава щинай шюшайссар, миннувацца цал щин

аьрщаращал хѳала дурну. Усру дуллай маэшат буллалиминангу кѳулну бикѳан аьркинссар, дунгъузрал бурчу ишла баву хѳарамсса иш бушиву.

Ляхъсса нехъри

Ляличѳисса къулагъас дуван аьркинни хъаннил усса, хаснува гѳайннул никѳуртгах. Ляхъсса никъа бусса усру лаххаврил заралунния цуксса бусларчагу, модалул циламур ласлай бур, цѳу-цѳусса, 5, 10, 15 сантиметра дурса «аьламатру» итадакълай бур.

Ляхъсса нехъри бусса усру ларххун заназисса хъаннил чѳярусса цѳуцѳавуртту ялун ли-

чаврил нигъ дуссар: бурхѳайнсса, никѳиртѳайнсса гуж багъаву хъунма хъанахъиссар.

Чѳявуми ляхъ нехъри лаххултрал учай: «жу, хъами, укунсса буру: чурххан зарал бухъурчагу, жул дакѳурдин къутѳи-къутѳи тѳисса некѳуртгал чѳу ххирар», – куну. Гѳай чѳурдая Къуръанналуву ци увкуну буссарив кѳул хъурча ми хъаннил ци учинавав (мяъна): «... заназисса чѳумал ччаннах чѳурду мабуллардича, лагмасса араммтал хѳайран буллай...» (сура Ан-Нисаъ, 31 аят).

Усру лаххаврил адабру

– Шариабтрал луттирдаву увкуну бур хѳажатханттувун усру дакъа увххун къахъиншиву, цуксса марѳсса хѳажатхана бунугу.

– Ца ус ларххун заназавугу къахъинссар. Мунин далилнугу хъанахъиссар хѳадис: «Ца ус ларххун мазанарди, ягу кѳирагу лаххияра, ягу кѳирагу ликкѳияра» (Бухари, Муслим). Ибну Хѳажар Аскъалани тѳий ур: «Ва масала багъайссар циняв чутсса яннардайнгу, масала, жуларду, ягу ца каххуравун ка дуркѳун, гамунивун къадуркѳуна заназаву». «Шѳайтѳан ца ус ларххун за-

нан бикѳайссар», увкуну бур хѳадисраву

– Мухѳаммад Идавсил ﷺ увкуссар: «Зува усру лаххаврия чѳумал урчѳамуния байбишияра, ликлакисса чѳумал цал кѳиямур ликкѳияра» (Бухари). Абу Давуддул бувцусса хѳадисраву бувсун бур, ччаннай авѳуну усру лаххаву къахъиншиву, шѳяивкѳун лаххан аьркиншиву.

Мухѳаммад Идавсил ﷺ бурчул усру лаххаврия диркѳссар. Хѳакъинусса кьини жучѳанна дирну дур царай Идавсил ﷺ усру, ми цирдагу дуссар Туркнавусса музейраву. Идавсил ﷺ цала усру ва янна цала дакъин дайсса, зия хъумур дуруххѳайсса диркѳссар.

Хъинну хъинссар бачѳива ччаннах заназаву. Цѳанасса чѳумал медициналулгу му тасттикъ буллай бур. Мукун заназаврия мюнпат бушиву кѳулну бивкѳссар жула Идавсингу ﷺ. Ганал цалва асхѳабтурайн буюр бувайсса бивкѳссар чѳунчѳумуй бачѳива ччаннах заназаврия, куну (Абу Давуд, 4160). Мунин бувну, ачѳаччаннах заназавугу суннатсар.

РАМАЗАН ХѳАСАНОВ

МУЪМИНАТ

Ссихѳирчитал ва бувчѳулт

Жулва аьлимтурал тѳимунин бувну, динналун цѳана кунна захѳатсса чѳун уттигу къадиркѳссар. Вай мукъурттин ца хѳлччану хъанахъиссар инсантал «лухѳисса ссихѳирду» буллан бикѳаву. Чѳявусса кказитиртаву бур баян буллай ссихѳир бувну бучѳантѳимур кѳул баврия, ва м. ц. Ссихѳир баву цѳанасса чѳумул цѳуцѳаву хъуну дур. Амма цѳуцѳаву хъин дуллаинияр, бувагу къашавай къахъурча хъинссар.

Тгул пикрилий, хѳакъину инсантал ссихѳирчитурачѳан ягу бувчѳай хъанничѳан лагаву хъинну махѳатталсса иш бур. Ца чулуха, Аллагънал ﷻ чичрулин вих бакъашиву, вамур чулуха, ссихѳирчитурал дуллалисса тѳуллайн вих шаву. Ца-ца чѳумал хъуна дакъай хъами, бувчѳай шарссаничѳан цал лагаврихлу хъинну хъунмасса багъа – мукъѳѳалва чак булун хѳадурсса.

Аллагъ ﷻ ххирасса ва Аллагънан ﷻ ххирасса инсан ссихѳирду бувултрал, ва миннал дуснал – Иблислул кумаграх мюхтажну къаикѳайссар. Бувчѳултрал ца зад тѳайласса бусарчагу, мунивух аѳѳива шѳялмахъгу хѳала байссар. Масъала, миннал жухъва бусарча, жулва ягу жулва гъанминнал ялун ци-бунугу ца бала биянай бушиву, жушара ци даххана дан шайссар му кѳулну бушаврийну? Аллагънал ﷻ чичрулухун бахчин бюхъантѳиссарив?

Вана укун, жулва инсантал Исламрайн мютѳий хъуну, Аллагънал ﷻ Шариабтрайн бувну ялапар хъанансса кѳанай, Ислам цайнна мютѳий дан ччай бур. Иманналин бувну оьрму бутан кѳанай, ми оьрмулин бувну Иман дихълан бивкѳунни.

Ци-бунугу ца захѳатсса иширавун багъувкун, Къуръан ва Шариабт кѳулсса аьлимчувначѳан къалавгун, инсантал бувчѳай хъанничѳан гъан анавар буккай. Къатлува хъус дакъа хъурча, кулпатараву захѳатшиву хъанай духъурча, хъхъичѳива-хъхъичѳи дакѳинин багъайсса зад – бувчѳай хъанничѳан лавгун, бахѳу-тирихѳу бан. Багъайкун яннагу лахлай, чак бувну махъ Аллагънахъ ﷻ бала-апатѳирттая буруччаву чѳа учин кѳулну бакъарча, арѳух бахѳу бан щичѳан гъан аьркинссарив кѳулну бур. Ми ссихѳирчитал ва бахѳурду бувулт ва дуняяллий цуксса хѳаллай оьрму бутанну тѳий бурвав? Дучѳантѳиссар Кьини, гарца бувсъсса шѳялмахърах жаваб дулун багъантѳисса.

Ссихѳир баву ва ссихѳир бан ляхъхъин баву Шариабтрайн бувну хѳарамссар, арулва яла хъуними бунагъирттаву багъайссар. Бахѳурду баву, бучѳантѳимур бувчѳѳаву – тѳайланмасса ширк хъанахъиссар. Ссихѳир баву – магъа бакъар, муния инсаннан мѳайжаннугу зарал биян бюхъайссар. Амма Аллагъу Тааьлал Иман дурса муъминтал Цалва буруччайссар, мунияту мусульманнаца шайссар бахѳурдащал лаян Аллагънал ﷻ кумаграйну. Мунищал цукун лаян аьркинссарив Идавсил ﷺ жухъва бувсъссар.



Ца чѳумал, Лабид бин Асам тѳисса жугъутѳинал Мухѳаммад Идавсил ﷺ бахѳу бувну бивкѳссар. Цушпагу цащавашайсса яла гужмур бахѳу бувссар, хъхъичѳива цалва щинчѳав тачѳав къабувсса. Идавсил ﷺ кѳул хъуссар цанма бахѳу бувну бушиву. Ганал цалва асхѳабтал Аьли, Оьмар, Зубайр ва Тѳалхѳат ﷺ гъан бувссар Зирван тѳисса къуйлулчѳан (колодец). Ганил чѳанулусса чарил лув гѳайннан аѳѳиния цара къурхъ дуртсса хѳинча лярхъуссар. Му чѳумал Аллагъу Тааьлаланал ликкан бувссар сурарду «ан-Нас» ва «аль-Фалакъ». Мухѳаммад Идавсил ﷺ мий сурарду 11-ва бувккун, гѳай къурхъу цирда ттирихлан диркѳссар. Мусульманнал вай сурарду цалва оьрчѳангу ляхъхъин бувну, цалвагу чѳявуну букларча,

цукунчѳавсса бахѳурдал миннан зарал биян къабантѳиссар.

Бувчѳултрачѳан лавгун, гѳайннал бувсмунин вих хъусса инсан Къуръанналин ва Идавсил ﷻ ххуллийн инкар бувмари. Мунал чак мукъѳѳалва гъантѳий къамул къабайссар. Оьрмулуву цукунчѳавсса дахханашиву къадайдсса иширах хъинну хъунмасса багъа булаву хъанай бакъарив? Ца иш бур арѳуцѳа ягу хъуслицѳа хъурча, Аллагъу Тааьлаланал танмихѳи мунияр цукссагу захѳатссар! Жува Шариабтрал хѳукуматрай ялапар хъанай бивкѳссания, ссихѳирчитурансса танмихѳи – бакѳи рутаву бикѳантѳиссия.

ПАТИМАТ ХѳАМЗАТОВА



– ЛирчІсса зума цукун хъирив лахъантІссар, га цумур кьини диркІссарив хъама бивтун бухурча?

– ХъхъичІсса шиннардил Рамазан зуруа зума лирчІун духурча, му хъирив лахъайни укунсса ният дуварча гъасар: «На ният дував лирчІсса фаризасса зума хъирив лахъан». Га цумур шинал, цумур кьини диркІссарив мыйжан буллан аьркиншиву дакъассар.



– Имамнал хъирив чак буллалиманал «магъдина» цукундуккин аьркинссар?

– Имамнал хъирив чак буллалиманал «Фа иннака такъзи» тІссса кІанайн бияннин «амин» учайссар. Гания гихунмай «настагъфирука» тІссса кІанайн бияннин имамнашал архІал дуккайссар. Ялагу салаватрайн бияннин «амин» учайссар, салават имамнашал архІал дуккайссар. Салаватрал хъиривсса дваь дурккукунгу «амин» учайссар. (ФатхІул Аьллам)



– «Мумайиз» щийн учайссар?

– Мумайиз учайссар 6-7 шин хъусса, оьмур-ххуймур личІи бувансса кІулши дусса оьрчІайн. Му оьрмулувун бивсса оьрчІан лахъхъин буллан аьркинссар динналул аслурду, чак баву, МухІаммад Идавсил тарих.



– БучІссарив дарккусса ккарччив тІайла дуван, хъахъи ларгми кІяла дуван?

– БучІссар, мунин шариабтраву цукунчІавсса къадагъа дакъассар.

– БучІссарив хъаннин косметика ишла дуллан?

– Косметикагу, тІааьнсса кьанкьгу дан бучІссар так цила ласнал хъхъичІ ягу цайми хъами дусса, чил арамтал бакъасса кІанай. Хъамитайпа цила ласнан ххуй бизан, рязи ан хІарачат буллалисса чІумал гания Аллагъу рязину икІайссар.



– Мизитрава азан (акбар) баяйхту цуксса хІаллава бучІссар чак бан?

– Азан букайхту гацІана икъаматгу дурну чак буван бучІссар, амма мизитирттаву чансса хІаллай халкъ батІиннин ссавур дуварча хъинссар.



– БакІравун оьккисса пикрирду бухларча, мигу бунагъ кунма чичайссарив?

– Инсаннал цалва пикрирду аьмаллайн кІура баян къабувссаксса, ми бунагъ кунма къачичайссар, амма оьккисса пикрирду бакІрава буккан буллан хІарачат бан аьркинссар, цанчирча, миннул иман хъхъара дайссар, куну бур.



– ТтучІа цукунчІавсса хъус дакъар. На васият цукунсса чичин аьркинссар?

– Мискинсса, хъус дакъасса инсанналгу чичин аьркинссар васият. Чара бакъа ци-дунугу хъусливасса васият дан аьркиншиву дакъассар. Васиятраву гъанмаччаминнан, диндалул уссу-ссуравран ххуйсса насихІат бувангу бучІссар.

Васиятраву хъуслил шанма бутІул ца бутІуяр ххисшаласса хъус кІицІ лаган ихтияр дакъассар. Цанчирча, мунияр тихуннаймур щин циксса дагъайссарив шариабтраву укунмагу ккакан буну буссар.

НАЗМУ

Яла бюхттулма инсан

Так ца цаласса байма –
Оьрму бувтмари оьнма,
БухІи куний бухІайма –
Мури хІакъсса байчара.

Цаламунишал архІал
ЦачІу ккаккайма дустал,
Укунмари, гьалмахтал,
Чарав лайкъма Идавнал.

Яла бюхттулма инсан
ДакІний думари иман,
Щукру бувну думунийн,
Лаизлазисса Заннайн.

Вай гьарцазат дуначІа,
ТІайлашивугу дуссар,
Укунманан ЗанначІа
Алжан хІадурну буссар.

ИСА АЬДУЛЛАЕВ
Ш. ВИХЬЛИ

ЦІУЛЛУ-САГЪШИВУ

Неххал чІапІи



Ва ххяххиялийн оьрус мазрай *мать-и-мачеха* учайссар, лакку мазрай *неххал чІапІи* учай. Ва чІапІи ххяххайссар неххал зумардицІух, вацІлул зума-кьирагъирдайх, щин дусса, хъатру гьарзасса кІанттаву. ЧІавучин ххяххайсса бур Сибирнаву, Байкаллай, Дянивмур Азиянаву ва жучІава Ккавказнаву.

Бусанна ми кьакъан бувну хІадур бувайсса куц. Неххал чІапІи батІайссар гъи дядизулий, жагъилну бунува. Акъахурча, ми хъунив шайхту, муххайх сси бакъайсса кунма, миннуйгу хъахъисса сситтул кунмасса кІунтІру шайсса бур. Мукунсса чІапІив ишла бан бучІинугу бакъар.

Неххал чІапІи кьакъан бувайссар цІаяллай (чердакрай) ягу къатталу (навесралу), ганз дакъасса къатру дирхъуну, ххуйну гъава нанисса ва баргъ къащайсса кІанай. Неххал чІапІуву дуссар гъивчул, букай тІутІул, аскорбинналул кислотарду, каротин ва флавоид. Вания дурсса настой дарувссар гьутрулул къашайшиврун: ах-пув дуккан дайссар, бронхитрал, ларингитрал, пнев-

мониялул къашавайманан кумар шайссар. Неххал чІапІуя дайссар къашавайма гъухъа итан увайсса чай ва кьакъкари хъин буваншиврул миннул бугъ бичайссар. Аллагъу Тааьлнал рахІмуцІими ва къисмат жунма чан къахъуннав! Амин.

МАХІАД ШАЛЛАСУЕВ
Ш. ЧАПАЕВО

Рузнама

Май

Кьини	КІюрххил чак	Баргъ букваву	Ахттайн чак	Ахттакъун чак	МаркІачІан чак	ХъатІан чак
1	02:54	04:44	11:51	15:44	18:54	20:24
2	02:52	04:43	11:51	15:44	18:55	20:25
4	02:48	04:40	11:50	15:45	18:57	20:27
6	02:44	04:37	11:50	15:46	19:00	20:30
8	02:40	04:35	11:50	15:47	19:02	20:32
10	02:36	04:32	11:50	15:47	19:04	20:34
12	02:33	04:30	11:50	15:48	19:06	20:36
14	02:29	04:28	11:50	15:49	19:08	20:38
16	02:26	04:26	11:50	15:49	19:11	20:41
18	02:22	04:24	11:50	15:50	19:13	20:43
20	02:19	04:22	11:50	15:51	19:15	20:45
22	02:16	04:20	11:50	15:51	19:17	20:47
24	02:13	04:19	11:50	15:52	19:19	20:49
26	02:10	04:17	11:51	15:53	19:20	20:50
28	02:07	04:16	11:51	15:53	19:22	20:52
30	02:05	04:15	11:51	15:54	19:24	20:54

Рекомендовано каноническим отделом Муфтията РД для г. Махачкалы

ХХИРАССА БУККУЛТ!
НАЙ ДУССАР 2017-КУ ШИНАЙНССА»АС-САЛАМ»
ККАЗИТРАЛ ПОДПИСКА.
ККАЗИТ ЧИЧИН ХЪУНТИССАР ЧЧИМУР ПОЧТАЛИЙ
ВА МУКУНМА ГЪАРЦА РАЙОННАЙССА ЖУЛ
ВАКИЛТУРАЙХЧІИН.
ККАЗИТ ЧИЧАВРИЛ ВА БИАН БАВРИЛ ХІАКЪИРАВУ
ОЬВЧИН БЮХЪАНТИССАР ВА НОМЕРДАНИЙН:
8-988-291-42-22